

帶

經

堂

集

帶經堂集卷三十四

歙門人程哲校編

新城王士禎貽上

漁洋續詩十二

己未稿

二月二日大雪晨起懷愚山淵公耦長

夢覺聞飄瞥虛牕徹曉明蕭條同委巷悵望倚簷  
楹寒色飢禽語荒堦折竹聲雙羊風雪路留滯遠  
含情

雪中簡對巖

第二泉邊路扁舟落鏡中林塘春命酒風雪夜推  
篷別鶴吳田渺歸鴻楚塞通朝來吟望處流霰滿

房櫳

雪後訪鈍翁

馬蹄如踣鐵相憶遠衝泥晴溜排簷滴山禽隔舍啼梅花春掩靜殘雪角巾低風物銅坑好何年約杖藜

和愚山喜梅耦長至

新詩冰玉質故人蘭蕙芬相逢姑射客宛對敬亭雲雪色融春霽清談入夜分翻憐金錯贈十載託殷勤

題江翁松屋圖卷

辰六孝廉之父

我思潁封人孝思能錫類奈何挾輶走末路乃顛  
墜我思溫平南中興申大義胡居第二流將無絕  
裾累獨有江次翁巨孝動天地不屑楚太僕制詔  
褒志士聞孫二千載篤行殊不愧皓首伏豕廬頽  
乎其從至神芝生墓門白雲宿簷次茅屋蔭松柏  
終古一蒼翠誰當問起居給復煩長吏

答愚山耦長西山見懷之作

聽吟潭柘寺宛撫戒壇松空翠行相引清暉復幾  
重孤筇穿鳥道百里望雲峰述作思陶謝幽尋悵  
莫從

送顧尼備之聊城即歸吳省覲二首

策士持高節吾欽魯仲連君過射書處喬木剩蒼  
煙未屑千金壽猶思玉貌賢誰知輕世者懷古有  
新篇

聊攝連吳會津亭千里餘雲帆指淮楚江鴈望音  
書堂下穿林竹春前入饌魚陶家有賢母歸日定  
牽裾

題蘇臺楊柳枝詞後二首

汪鈍翁編修首倡  
吳越和者數百人

白家半格詩曾見愛說蘇州柳最多

不似蘇州柳最多  
樂天詩也

今

日鈍翁吟卷裏雨條風絮奈君何

鴈齒紅橋鴨觜船麴塵風起豔陽天  
明湖憶得吟秋柳慘綠當年最少年

予賦秋柳詩時順治丁酉歲海內和者亦數百家

同楊爾茂富磐伯兩宗伯李湘北閣學張素存宮庶從兄信初侍御遊摩訶菴二首

西院枕迴溪青山滿高閣祇園天氣佳  
苔砌餘紅藥鳥如迦陵響梵是魚山作  
微雨忽來過紛紛幾花落

東院更幽絕蒼苔引深處修篁蔽簾櫳  
風聲在高樹恍惚思舊遊繾綣未能去  
誰賦洞庭詩清如杼

山句

東院壁間有僧題詩云圖畫當年愛洞庭波心一十二峰青而今高卧思前事添得盧師倚石屏

送吳僧尚德歸堯峰

迢遞青山路風流白足師安居深雪裏行道落花  
時京洛過寒食江帆拂柳絲歸逢尊宿問應識馬  
駒兒

雨後出西郭懷冰修子湘耦長

小雨高梁外川原如乍經浦煙天水碧山色佛頭  
青心賞違朋好孤懷託杳冥何時玉泉路吟上望  
湖亭

被園偕隱爲沈鳳于賦

吳興山水佳蒼翠屢迴複茗雲交清流緒風漾綺

穀滙爲碧浪湖城郭一空淥沆侯東陽秀門有朱  
丹轂入洛揖公卿磊落千萬軸倦遊歸去來長謠  
返林屋名園何窈窕袞徑臨濠濮陵阪滋蘭茗洞  
房隱松竹翡翠簷間鳴鵲鵲浪中宿禽經陸鳥曰  
棲水曰宿素瀨  
激廣除泠然響琴筑晨夕道場山煙鬢送新沐君  
才似秦嘉閨中有徐淑閑吟贈婦篇或歌夜來曲  
何如桓少君柴車挽雙鹿

見李武曾樂府後補題愛其工絕隲括詞意  
成五絕句

曾聽鉤輅過五溪沅州南去夜郎西笮橋細繞蠻



江路斜照無人盡日啼

鷓鴣

燕子來時綠掩門春雷動地長龍孫愛君細詠蠶  
娘句夢到江南水外村

荀

嵇含筆底妙丹青籬落花開露乍零愛伴秋河向

遙夜涼蛩滿院度流螢

牽牛花

紗幮澹月影微黃蜂背蘭膏細細香記得蠻娘倭  
髻髻晚風吹顫滿釵梁

珍珠蘭

海天春色玉臺妍萬里來從日本船徐福不歸秦  
女去讓人佳句衍波牋

倭菴予少時  
製藥府名衍波

題子綸漪亭讀書圖

清遠如茗雪檀欒即渭川捲簾度沙鳥倚檻集江  
船漁父歌相荅郊居賦早傳披圖憶田叔幽思滿  
林泉

送吳天章歸中條山六首

一奏淩雲賦何人似長卿羣公能薦達 天子舊  
知名倦鳥有歸翼清流思濯纓金門陸沈客相送  
若爲情

漢代開東觀賢良集北宮布衣簪筆數儒術拜官  
同杳杳菖蒲晚蒼蒼桂樹叢逢時仍未達搔首向

高空

時同徵諸君授  
翰林者五十人

送君何處去舊業在王官谷口煙蘿密牕中水石  
寒家人候歸客田父具盤餐迴首長安道休歌行  
路難

中條最深處風物四時幽水鶴穿雲下楓林夾岸  
稠人煙盤豆驛村路玉溪流卧起清暉裏蕭然何  
所求

歎絕新詩好朝朝爲起予早知清淨退兼愛竺乾  
書慧業君何忝高文衆不如雲中有孤鶴一笑駭  
爰居

負俗真吾癖唯君相過存花明邀屐齒雪下叩柴

門去去寡知己悠悠誰與論遙憐芳草路  
露灑爲王孫

送董蒼水歸雲間四首

春雪積三尺故人晨叩門誰言詞賦賤  
真感帝王尊魑魅窺人過關山帶甲屯  
頻年更喪亂失喜共清樽

昔作甌閩客漳泉正合圍江瑤驚旅食  
山鳥怪儒衣邊徼逢人少諸侯好士稀  
長篇猶在篋感激涕

交揮

蒼水閣歸有  
見寄百韻詩

待詔公車日名流賦柏梁承明望嚴助  
郡國貢膠

倉南董今誰擅春秋義最長峭帆何太急鰕菜足  
江鄉

東下吳蠶老西浮楚塞秋武昌明月好清嘯憶南  
樓荆岳休征馬江湖穩白鷗五溪新轉戰斟酌弔  
湘流

蒼水將  
遊楚

送李武曾歸禾中二首

每歎知幾好南荒萬里歸鬼方今絕域嶽麓竟重  
圍曾否吟租舶如聞買釣磯灌園兼奉母無恙芟  
荷衣

高議金華省朝廷急史才三長君最擅孤權且空

迴月表書秦楚微文紀定哀將離聊岸幘重覆掌  
中杯

送孫豹人授正字歸廣陵

領取頭銜貴名高身更閒  
雖蒙秘書拜只似白衣還  
詩即杜陵叟官如陳后山  
鬚眉無恙在歸去卧商顏

送鄧孝威授正字歸海陵再示豹人

當年綺里季曾友夏黃公共詠紫芝曲俱棲巖穴  
中鬚眉驚漢帝羽翼緬高風一出還歸隱白雲商  
洛東

送山史從兄歸華山

華山丹頂鶴清唳向西峰不羨三珠樹長棲千歲  
松林巒有佳色眠起日高春石上流泉好菖蒲方  
紫茸

送彤臣侍御歸里

朝聞驄馬去結束錦鞍韉柳岸萍生早春波獺祭  
圓初成三殿賦忽憶五湖船長夏修篁裏參同注  
幾篇

獺祭圖見蔡元長詩名物考

輓惟夏

薤露歌何遽長楊賦始成寧知官正字

部議授官正字

真爲

寫名旌酒態思中散窮途失步兵五言殘雪夜詩

罷氣縱橫

雪夜招惟夏與李天生董蒼水梅耦長邵子湘潘次耕諸君飲賦詩以積素廣庭開爲韻

送吳僧秋臯之津門

上人句云鳥啼殘雪樹人語夕陽山

愛君殘雪句宛似碧雲篇獨向中峰住深參不二  
禪直沽春水岸通潞夕陽船乞食王城去遙聞袒  
右肩

送翁武原赴黃州岐亭丞

試說齊安郡風流雲夢間大江元繞郭修竹尚連  
山鼓角頻年健樓船計日還岐亭憶坡老梅萼正  
堪攀



顏修來吏部寄孔廟碑十二種

生近聖人居未得拜祠墓頗聞魯諸生講禮以時  
聚故宅聞金絲猶傳壁書處漢祖祠太牢過魯暖  
餘慕六經出秦火諸儒明訓故歷代遞相嬗碑版  
屹森布龜龍或齧缺蛟螭無錯互顏生陋巷裔學  
古鄙章句餘事攻六書韋蔡競先鶩金薤遠見投  
聊持伴魚素論世慨桓靈末造紛黨錮元嘉永壽  
建寧三碑尤  
愛梁鵠書筆勢颭軒翥貢墨與匱紙椎拓亦殆庶  
明牕秋日晴水沉午方炷彷彿闕里遊低徊不能  
去

爲宗定九題李河濱畫竹

幾年不到簣簪谷今日還從畫裏看  
記得東軒春月下壓欄殘雪數枝寒

題顧茂倫雪灘釣叟圖二首

垂虹秋色東南好雨笠煙蓑送此生  
今日三高祠下過唯君不愧隱人名

彷彿桐江百尺臺傍人漫作客星猜  
投竿一笑煙波外陽鱗紛紛入釣來

題顧樵水畫宗定九詩意

宗詩云青山野寺紅楓樹  
黃草人家白酒筇日暮江

南堪畫處數聲  
漁笛起汀洲

東原佳句紅楓樹付與丹青顧凱之把翫居然成  
兩絕詩中有畫畫中詩

送定九歸淮南

相逢纔幾日復欲返東原梁父雲間樹蘭陵雨後  
村雄雞能斷尾野鶴詎乘軒一葉邗溝水隨潮到  
里門

左安門外讀宛陵先生詩却寄耦長

出郭愛時稼行吟田水濱偶然憩清樾蒼翠落烏  
巾古澹歐梅體崢嶸慶曆人名家今復始欣覩鳳  
毛新

寄家兄子側金陵

梅雨江東去依然古石頭至今鍾阜月猶映清淮  
流水宿維楓岸風帆隱荻洲應思對牀約休作賈  
胡留

送同年楊以齋中丞巡撫貴州二首

遠持天上中丞節親鼓黔南大將枹青綺門邊千  
騎擁碧油幢下萬人趨衡峰雪盡春無鴈楚幕風  
寒夜有烏早晚昆明馳露布鬼方先已罷兵符

絳騶赤棒日邊明臺閣清風闕下生豈謂周昌須  
相國猶煩裴度至行營馳驅萬里征蠻府珍重先

朝諫獵名緩帶輕裘烽火息即看銅柱有春耕

中丞

昔以諫獵見  
知世祖皇帝

### 午食得鱸

蜃虀鴈醢百不愛縷膾愛斫松江鱸年來絕有步  
兵興江船難致途且紆今朝忽訝食指動四腮登  
饌加蒲菹京師最重灤河鯽侯鯖下箸矜膚腴貴  
人不識鱸膾味儘輸蓑笠垂竿徒吾鄉魯陂亦產  
此鱸豸稍別方言殊

齊人呼  
鱸曰豸

釋名爾雅未及錄會資

好事箋蟲魚廿年仕宦去鄉里走避舊隱如逃逋  
昌歎形鹽享備物何如鄉味炊雕胡他年歸臥錦

湖岸日拋簪櫪臨清渠

擬山家閨怨戲爲汪鈍翁編修作

璇璣賦罷氣凌雲下直金蓮每夜分  
那憶璇璣圖上字錦機辛苦寄迴文

聞蟬

何處厲清響空庭嘉樹林從知翳葉術不畏耀蟬  
侵飛雨度高閣薄雲生暝陰窓中時抱膝斷續雜  
幽吟

送李鄴臣赴東安

我愛瀟湘水粼粼見底清稍聞征戍罷遙送使君

行別浦石蘭長叢祠斑竹生經過道林寺沈杜有  
題名

早過洪太常水亭訪丁武選不遇

了不異人意入門濠濮情林端初日澹蘋末水風  
清野鴨縱橫去跳魚潑刺鳴主人不相見隔岸沸  
茶鐺

送宋旣庭歸吳門

歸興江東梅雨時浮雲黃鵠兩參差鳶肩自昔多  
騰上猿臂何勞歎數奇久似向平知損益還從柱  
下識雄雌洞庭朱實吳淞鱸醉放扁舟任所之

送田髯淵歸松江

子魚初美帶通印橘柚厥包驗霜信江南秋色夢  
中來去帆去聲欲爭飛鳥迅舍車何如負乘樂徒步  
終知無悔吝得歸但乞五湖長投老那須千戶郡  
二十年中幾分手共歎秋霜上髯鬚潞亭船開烏  
尾譌爲若楚歌聊一訊

寄牧仲贛州

虔州界閩湘蘭蕙賤於草復有寶珠香玉雪映清  
曉江城微雨過炎瘴淨如掃高齋開八牕豁達涼  
風早方牀黃琉璃卧起日杲杲清芬惱魂夢仙膚



愛綦縞嶺外陸郎花未敢鬪  
始好幾歲客京國冠蓋苦紛擾  
朱門多林塘無由聽啼鳥  
今年八境臺雙江入登眺  
閑註詩楚騷多識不爲少  
遙憶書到時  
巔石風嫋嫋

夜雨

一雨當三伏清宵冷玉壺  
瀟瀟濕螢火策策入高梧  
稍覺涼飈集寧知朱夏徂  
寒暄易時節感槩不能無

午睡

蘄州笛材好八尺含風漪  
恰稱龜茲枕閑拋玉局

棋涼蟬陰卓午花鴨水平池富貴浮雲耳寧須熱  
客知

蠅

幾日亂朱紫商飈欣掃除孫郎彈不易戎子賦何  
如瑟瑟涼初至營營計已疎何來遽集此往事笑  
中書

送彭有斯孝廉歸儀真因懷紀伯紫

我憶真州美城池靜不譁長橋帶修竹野水抱人  
家南郭羣山好東園一徑斜鍾山遺老在相見話  
桑麻

題松萱圖四首壽姜節母

西溪之母

丸丸徂徠松鬱鬱新甫柏何如句章山仙靈所窟  
宅天風奮鬚鬣大海應潮汐千年化爲堅食之勝  
金液

娟娟忘憂草朱華冒修莖旣含日月光亦登紫微  
庭勿謂兒女花少陽體其貞一入風人篇千秋垂  
令名

懿彼負羈妻智能相衰偃房杜公輔才王母識何  
遠姜子天下士高步擅文苑因知母也賢儀刑在  
中壺

會稽嚴夫子蕭然雲鶴姿畫此偃蓋松間彼萱草  
枝豫章已合抱何不梁棟爲共葆歲寒心後凋終  
不移

與陸冰修

我愛辛齋叟蕭然無世情笑看公府辟夢憶故山  
耕斜日樹交蔭微風蟬一鳴知君人境外寂寞道  
心生

初秋索耦長畫

詩到無聲足卧遊雨窓含墨對清秋不知鄉思今  
多少祇寫澄江與北樓

月夜冰脩子湘耦長見過同倣宛陵體三首  
舉頭新月佳開軒滅明燭流螢稍開闔風露下疎  
竹素心二三子比鄰往來熟漢陰無主賓何用加  
幘屋

袞袞九衢間未少噉名客老嬾倦逢迎誰當較尋  
尺高齋時卧病河漢忽已夕綠蘚被堦生幽人見  
行跡

聽君談劍術四座輒色變青天走風雨虛堂激雷  
電香丸合雌雄太乙經百鍊勿快睚眦讐應侯吾

所賤

冰脩談劍  
術甚奇

寄念東先生

王樵洞畔掩雙扉  
水綠蘋香繞釣磯  
除却耽吟唯  
憩寂不須爭席  
久忘機飽看京洛  
新棋局無恙雲  
山舊衲衣滿眼高  
車帶傾覆幾人拋  
得侍郎歸

太白

傳詩云我拋  
刑部侍郎歸

愚山侍講送敬亭茶

敬亭雲木好香茗  
叢幽巖鴉山舊擅  
名晚出思并  
兼茶人競春霽歷  
險如鼓僂新火細  
蒸焙青筠勞  
封緘先生住山時  
採摘心所欣封題  
寄千里知我  
殊酸醎年來同直  
廬思歸夢巖嵌白  
毛劇臯盧強

飲口已箝何當候蟹眼颼颼響風簾故山昨有寄  
水驛馳江帆開籠亟分我芳香透重圍靴紋隱蹙  
縮羣臆垂廉檐磴成玉雪霏持作梁肉砭渴羌老  
解事未敢加薑鹽

追錄丁未年夢中作

壬子使蜀經樂城驛其兆乃驗

溪流翡翠映煙空溪上飛橋落彩虹手拗花叢憶  
元相一枝渾卧碧流中

聞彞陵九兄攝巴東縣

時縣初收復

詰曲峽江水千迴流月明巴東上峽客獨夜聽猿  
聲土黑悲秦劫峰青入蜀程夔門西望近豺虎尚

縱橫

戲題兩髯行後贈其年子湘

楚王宴章華乃以長鬚相彼鬚有何好霸國用自  
壯平生交兩髯于鬚不相讓絕倫陳魁梧軼羣邵  
跌宕昨見兩髯行輟然忽神王士龍能笑不吾髯  
幸無恙

再送李武曾之鳳陽郡幕

武曾嘗官客公職吏部近有  
樂府後補題諸調最佳

年來巖谷競春姿誰遣青松獨後時七月僧廬常  
避客八公山色又臨岐故人惆悵題襟集好句玲  
瓏散水詞此地正連清潁尾西州應有淚如絲



送姜西暝歸慈谿

春風滋百卉不榮孤柏根白日迴陰崖霜雪慘不  
溫丈夫重知己烈士輕感恩姜生起句餘水擊南  
溟鯤商歌一畝宮名動萬乘尊孤高取衆忌當  
路誰攀援季布揖曹丘感激由片言何況貧賤士  
風飈阻重閭枚朔善飭馱莊徐擅高論連尻結股  
脚詞賦若雲屯君獨銜恤歸秋風刈叢萱虎鼠竟  
何常揮手聲暗吞

得陳子文書兼知天章消息

鴈聲初墮地黃葉已盈除秋雨蕭條夕忽枉故人

書故人復何在中條白雲裏昔別霜霰零昨日秋  
風起曾聞隴頭水驅馬度關山烽煙照駱谷征戍  
何時還書中云有度隴之役黃雀縱橫飛孤鶴正垂羽祭竈請  
比鄰停車共騶語歲月易永久離羣難處心爲問  
朝歌令相思深不深

書蜀檣杙一絕句

楊柳歌詞唱未終宣華樓榭已成空秦州驛裏應  
迴首不見楊花入故宮

送孫愷士南歸

孫以戊午夏副使朝鮮有朝鮮採風錄

啣命扶桑外曾歸萬里船春潮浮鴨綠古道出

黏蟬詩備輶軒採名從屬國傳暫還須裸直未可  
戀青氎

題既庭松風獨樂圖兼送別

長松千尺瀑千尋宜著先生抱膝吟惆悵青門秋  
色裏與君相贈歲寒心

寄青浦丞李青立

鶴

麟趾異凡蹄鳳毛異凡羽君爲南陽孫豁達類其  
祖請從復辟論即事感今古神龍奮幽蟄天星落  
如雨倉皇奪門功造次成肺腑興儻珥貂蟬政柄  
歸奄豎陳請濫恩澤帶刀依負芥晉文定王室請

隧不見許吁嗟彼何人憑藉亂狐鼠爰立當危疑  
蹤跡等羈旅當時武功伯唇齒終齟齬公實仗忠  
信艱琬成心膂嗚呼三楊後伯仲見伊吕天地鬱  
風雲將相如龍虎愛君清門後克秉高曾矩低眉  
百寮底手版趨公府青袍映春草遠向春申浦婦  
有林下風樂事笑眉嫵青立娶於彭爲禹  
峰方伯女有詩名詩寄鴈南飛  
因風墮洲渚

再題茂倫雪灘釣叟畫冊

蕭灑風姿海鶴如扁舟常傍水仙居桃花時節來  
相訪借爾琴高赤鯉魚

題元氏長慶後

少年嗤點元和體不泝波瀾未易知試看婁江窮  
筆力較量纔似望雲騅

送冰脩歸海昌兼寄朱人遠二首

且住爲佳耳將歸可奈何人隨吳鴈影葉下浙江  
波好往尋鱸膾誰當破雀羅小叢今老去重唱竹

枝歌

予戊申歲送冰脩南還賦  
竹枝歌三首今十二年矣

老大身將隱飛揚氣自雄遊燕交馬客歸越事猿  
公仙飯青精餽諸儒白虎通故人朱季在何處駕  
飛鴻

陳其年簡討見和綠雪之作復遺芥茶一器

索賦詩

敬亭如靜女婉孌有餘態洞山如道流吐納成沆  
瀣陽羨連故鄣尻脰相負戴地靈草木異雲霧凝  
發隼尤重羅解名超軼絕流輩山氣夕陽佳

芥中茶  
夕陽勝

朝陽風露非灌溉昨賦綠雪詩莽鹵乏清裁名流遞

賡唱粲若珠百琲髯也實致師拔戟成一隊白甄  
題紅籤細君自蒸焙朝來肯送似秀色染眉黛下  
簾候魚目芳瓷露蟾背雖復遭水厄頗亦澆壘塊  
茶聲正琤琤竹影交瑣碎詩成遣長鬚聊作三舍

退君當賈餘勇吾衰鼓已再

送李岷瞻二首

歷歷征鴻逝蕭蕭班馬鳴未成秦塞返且作楚江  
行此去身將隱何辭酒細傾因君惜時命五嶽不

能平

岷瞻作時  
命一篇

故國連烽火歸來弔戰場三秋看太白萬騎塞陳  
倉射虎身猶健聞雞意不忘悲歌燕趙別風雨又  
重陽

題木石髮詩卷

名翼宗  
章丘人

恥食嗟來鬚已斑吟髭燃盡一身閑惜君生後滄

溟叟不在華鰲龔勛間

華鰲皆陽丘人以詩受知滄溟者

送葉井叔歸樊上六首

今日華陽館誰當是劇辛  
重陽一杯酒風雨送歸人

秋盡黃州路千峰送馬蹄  
夢迴山館裏落月汝南雞

斷岸黃泥坂寒江千尺流  
羨君歸去好雲夢澤南州

舊業在寒溪門前五株柳  
遊子到家時日上樊山

口



西山松櫪多谷口好泉石君登九曲亭蘇公有遺跡

我夢石魚湖依依問聲叟試尋脩竹林爲予安井白

送邵子湘之登州

我聞大九州香海環其外裨海內絡之萬川勢交  
滙禹貢周職方中央浮芥蒂鄒衍不可作疇與辨  
茫昧昔者始皇帝東巡極海岱海神駕橋梁大魚  
射澎湃號爲秦東門刻石表胸界三山在水下其  
事頗奇怪邵生列仙儒遠遊信所屆遙飛阜鄉鳥

往撫天吳背龍蹻陵丹崖九點煙凝黛蘄絕日主  
祠夔與之杲對日月影動搖島嶼光破碎朝潮激  
天輪夕汐裂地肺巨鯨若連山奮鬣雲晝晦時見  
新羅船墨點空青內廣乘渺何所歸墟誰負戴木  
張悉文雄髯才更十倍歸來述滄溟始信九州大  
送吳星若歸大梁兼答魏惟度

十日九風雨秋陰晝不開詩篇留碣石行李向繁  
臺別路重陽酒歸心上番去聲梅儻逢魏公子爲問  
鼓刀才

題徐電發簡討楓江漁父圖

十載吳江理釣絲，筆牀茶竈似天隨。  
朝來宣賜蓬池鱸，却憶鱸鄉亭下時。

花燭詞三首戲爲鈍翁賦

鈍翁既改官翰林欲迎兩如夫人皆不行而爲別納

小姬因賦是詩

花間靈鵲報新除，才子今年典石渠。  
未必風流輸小宋，兩行紅燭照修書。

碧玉迴身奈此宵，汝南雞喚夜迢迢。  
從今倦聽蘭臺鼓，莫更熏衣事早朝。

羸女吹簫引鳳雛，莫將縑素怨狂夫。  
似聞一語分明寄，我見猶憐況老奴。

讀馮圃芝餘事集因題天章還山詩卷

木脫石氣青吟君古調詩落日高鳥去碧空澹涼  
颼一吟扣一絃一吟傾一卮嘈嘈立部伎子子寡  
女絲巧笑倚市門漆室聲苦悲猿鳴上峽夜鴈警  
圍沙時遙憶中條山雲物秋正奇吳生家山南拾  
橡恒苦飢朝吟看雲出暮吟逐雲歸河聲與嶽色  
中有太古詞誰爲昭與聾獨有馮生知

天章在燕市得古銅章文曰河

聲嶽色所居正河嶽之間也

夢陸辛齋

與君同巷居步履時來過三日不相見疾如憂思

多夜來忽入夢宛宛同嘯歌遞握玉塵柄共盼喬  
松柯晨起訊占夢魂交理則那平生薄榮利夢寐  
在巖阿一二素心人夢亦無差訛聞君思吳江往  
泛魚鱗波帆開即千里悠悠阻關河比鄰夢尚爾  
道遠將如何

鴈

五聽長安鴈征夫猶未歸重城聞擣練幾處寄寒  
衣雲夢雪中去瀟湘蘋際飛沅州射生滿好避弋  
人機

和田子綸郎中移居

田郎詩格如雪車昨來新句傳移家夢向漪亭坐  
秋水蒼筤萬个眠麀麇冬官事少蹋壁卧日未卓  
午先放衙殘書滿前自穿穴紛如鴈字風中斜未  
要沈范相賞識風亭月觀吟梅花廬如瓜牛足搖  
膝畢逋愛伴城頭鴉鷺鳥累百詎比數蹠蹠聊試  
終參撾牽蘿補屋絕代子慎莫無匹悲炮媧

題鈍翁洞庭詩後

蒲帆十幅逐沙禽罨畫湖山次第尋香稻炊來鱸  
切玉高林霜後橘懸金且招龍伯閑投釣却笑鴟  
夷苦用心兩洞庭前三萬頃不能同上上頭吟

風氏園老松

城南風氏園徑僻無車馬野色暮蒼然徘徊古松下  
松花自開落松籟何蕭灑落日望煙歸時逢負苓者

寄山史從兄兼懷陳藹公

車箱谷口問松筠獨鶴亭中點易新嶽色東迴迎  
玉女秦雲西望似行人從教霧隱公超市不識風  
高庾亮塵曾上元龍大牀卧比來豪氣更誰親

書云秦雲

如行人

跋彤臣侍御楊柳枝詞後

衣上明湖舊酒痕漢南昨夢苦消魂  
仙人有恨看銅狄羌笛何心度玉門  
斜日靈和春殿樹西風清弋晚江村  
半兮城畔新吟好只似三生石上論

問鈍翁編修疾

先生方丈似山茨聞道維摩病起遲  
乍可心情同木石依然談笑却熊羆  
坡詩此老神完中有侍笑談可却千熊羆  
別裁僞體時流忌獨抱遺經後代知  
遙憶玉堂清夜夢雪中花塢水邊籬

又戲呈二絕句

藥爐經卷日相親隱几蕭然遠市塵  
聞道姬人怨



三  
服散也須料理苦吟身

紅毳枕畔辟寒犀夢覺時聞鳥夜啼若便清齋三百日箇儂何異太常妻

呈山長從兄

據地狂歌久陸沉聲名萬里過雞林蘇門自許矜  
鸞嘯朱博何人愧翰音白羽武岡猶轉戰紅蘭湘  
浦又春深懶殘亦有山中約他日期君雪夜尋

和耦長十月十八日初雪見懷之作

入夜愁雲積凌晨雪霰繁清才憶梅尉高唱寄梁  
園鳥下空庭寂爐寒破帽溫新晴好山色挂笏國

西門

宋賢詩風雪  
空堂破帽濕

健松齋詩爲方渭仁編修賦

三天子之都實唯神異宅中有千歲松伏龜守靈  
珀小松初移時瑣細不盈尺主人偃佺流摩挲自  
成癖待作送老資將期負苓客百年喬木家槐棘  
映丹碧詎識遺世意相賞在松石邇來三十載人  
事屢遷易請賦角弓詩此樹實手澤烽火照甌閩  
羣盜太充斥井湮木已刊城郭氣蕭索慘澹冰霜  
姿不受斧斤厄神鬼紛扶持父老增歎息虎豹雄  
牙鬚虬龍奮角絡玄鶴飛鳴雙蒼鼠距躍百遙連

富春山雲霧莽委積倒影新安江清冷共朝夕君  
今玉堂彥哲兄文章伯大廈要梁棟託根遠偏窄  
預種千本桑他年鍊金液嗤彼平泉翁徒爲達人  
惜

爲愚山侍講題孫友簡討畫用韻

山氣化雲雲作煙幽人蓑笠不知年清谿曲逐楓  
林轉紅葉無風落滿船

送鄭郎赴粵西幕府

故郎中  
次公子

當時紅旆向西川水部風流似鄭虔被酒共眠金  
鴈驛分題多在浣花牋故人一別成千載公子重

逢又十年去謁征南年正少牂牁春盡水如煙

寄題鮑聲來草庭

愛君三徑好芳草滿南榮微雨過時綠春風吹處  
生紛紛書帶色瑣細楚騷名不是江潭客休悲鵲  
鳩鳴

謝耦長送木瓜

宣城木瓜壓西洛秋林黃處滿寒煙霽來修竹明  
牕底留伴疎梅小雪前橘柚初包難遠致檀梨雖  
好未須憐相思愧乏瓊琚報重賦風人第一篇

辱耦長枉酬佳作有方物昔年勞入貢之句

偶倣義山體再報一首兼邀愚山辛齋同

作

作貢當年事已陳  
煙林搖落重含辛  
空臨謝朓城邊水  
不逐唐羌驛路塵  
灰可藥魚妨稚子  
香堪漬粉教姬人  
北宮賦後情何限  
解使韓宣賦更新

賈兵部改中條別業爲巢雲菴索賦二首

地枕王官谷  
逶迤林壑重  
中條紅葉路  
二華白雲峰  
修竹飛泉灑  
懸蘿澗戶封  
幽棲眞計得  
樵牧識行蹤

右丞輞川宅江令攝山居本自香林境宜繙貝葉

書花藏共命鳥池長放生魚已悟非身義何須演  
鹿車

爲尤展成簡討題耦長畫二首

家在江南楊柳村圖中風物黯消魂滄浪亭外春  
風起一夜魚苗水到門

家在江南楊柳村蘆中沙步水邊軒玉堂看畫翻  
惆悵短葉長條似故園

冬夜大雪

時王師  
方取蜀

翳翳窮冬雪蕭蕭天北風清思戴安道壯憶大梁  
公寂寞剡溪興蒼茫洄曲功聞雞不成寐松火夜

三三  
深紅

李翹弟德亦封梁國公杜牧詩人稱小太尉國號大梁公

聞奮威將軍保寧大捷喜賦

秦軍四道出巴庸在德何勞設險重寶玉大弓歸  
魯廟華陽黑水盡堯封賓人筒布寬新賦王祭包  
茅問舊供遙憶師行過枕席劍門千仞削芙蓉

近有

哀故人陷亂而死也

近有湖南信淒然老淚流冤魂傍湘水孤櫬寄衡  
州妻子還軍壘豺狼滿上游

時滇黔尚未平

首丘今已矣萬

一望松楸

冬杪卧疾寄愚山辛齋耦長

閉關當歲晏窮巷少來車免豈相如病交宜叔夜  
書松聲含浙瀝雪色照清虛獨愛文殊好時時近  
起予

帶經堂集卷三十四



帶經堂集卷三十五

歙門人程哲校編

魏城王士禎貽上

漁洋續詩十三

庚申稿

喜聞官軍已復保寧

大將臨興勢神兵下武都地中鳴鼓角天上拔蝥  
弧困獸誰能鬪長鯨竟就誅錦屏連劒閣絕壁勒  
銘無

二月六日雪荅耦長兼示冰修

長安春雪好作態故霏霏乍入幽蘭曲真疑柳絮  
飛故人同委巷曉色共清暉且擬調湯餅比鄰問

陸機

九日又雪

時王師已  
復成都

三度長安雪花朝落更勻映空初宛轉著樹更鮮  
新劒外移軍遠宮中送喜頻峨眉天半色重照  
錦江春

同愚山侍講弘衍菴看海棠東耦長四首

韋杜城南十萬家東風處處酒旗斜不知冷節  
息過猶見僧樓一樹花

木魚聲靜佛香遲日午風簾自在垂好是維摩  
丈室恰逢天女散花時

沒骨天然別有情風流何處錦官城會禽圖裏依稀見安得徐熙爲寫生

平陽池館亞枝紅移入香林便不同莫爲叢殘自憐惜梅家詩體擅江東

耦長先有  
二絕句

健菴宮贊送金陵伊氏扇

舊京扇貴李昭骨二百年來名滅沒近來後出仰與伊細研剡藤如笏滑骨取湘江斑竹枝黃楊烏角光參差妙手須煩畫蟬雀名流底許矜蒲葵蘋末微風散高柳八尺琉璃當戶牖持贈難忘東野亭題詩遠愧東陽守

盆魚

井泉初汲寒射鮒萍衢界水花紛敷草堂咫尺見  
濠濮碧羅扇底紅鱗魚丹砂毒瑁非一狀亦有玉  
雪瑩冰壺中庭兩樹正交蔭日夕蟬鳥相鳴呼朱  
門定無此輩客但聞擊鼓吹笙竽佳牀視景移枕  
簟風來蘋末看跳珠夜涼月白河漢轉起聽啾沫  
疑江湖托身幸得遠鯨鱣一一尾鬣乘清虛出入  
荇藻絕斷滄笑渠殘鱠矜王餘誰爲惠施解吾樂  
牀頭尚有蒙莊書

送張仲誠知資縣

沐

不憚三巴遠高名萬乘知子規聲斷處山木雨  
來時囊有涪州易園無曾相蔡王褒諸弟子應習  
鹿鳴詩

送于郎鏡川之隴州

年少題輿志不違羨君捧檄向庭闈地經漢時應  
懷古俗近豳風早授衣鸚鵡語時山雨細麝香眠  
處吏人稀相思祇詠吳興句隴首秋雲幾日飛

東丹王射鹿圖念東先生席上作

人馬勢逸不可當開圖素練生風霜奇哉落筆如  
挽強誰其作者東丹王東樓西樓二千里乘秋出

獵凌窮荒番部紅靴鐵柄襠左射右射必疊雙叉鑿  
蹄驕馬如風檣三花翦鬚紛怒張俊鶻初變爲正  
鷁蒼鷹塌翅隨馬韁雄狐狡兔皆遁藏射麋麗龜  
走且僵東丹昔日稱人皇扶餘開國鄰扶桑秋冬  
射獵海東磧頭鵝燕罷傳醴漿跨海南歸大梁苑  
時時夢憶穹廬鄉往往丹青自遊戲寸縑尺素如  
琳琅宣和壓架六千軸東丹九幅千金裝艮岳灰  
飛玉匣散此圖豈不關興亡蠟炬如椽照空廊雄  
談劇飲累百觴東丹丹青遠擅場蹊田奪牛語堂  
堂令人千載悲同光

題馬宛斯小照三首

駙

里名通德舊傳經暖翠浮嵐入戶庭今日黃山山下路空餘書帶草青青

何鄭千秋樹齒牙輸攻墨守各堅瑕大官解擅春秋癖不數公羊賣餅家

山陽笛裏劇堪憐宿草何時哭墓田更有人琴斷腸處彭城風雨對牀眠

君與先兄西樵俱以  
癸丑七月捐館舍

懷東園

先太師  
公別業

謝傳登臨野蒼涼系水涯無人掃苔徑長日落楸花洞壑殘山得湍流壞磧斜當年遊詠處幾度側

烏紗

懷南園

先方伯公別業

爲園負南郭佳日屢巾車好雨連花節清池長麥  
魚朱藤臨水照白袷向風疎農圃高人意猶存記

勝書

公撰君年芳譜於此園之二如亭

題耦長畫寄千峰轉運二首

寒山落木石峻增柳檻穿雲最上層行過虎溪看  
塔影此中合著六朝僧

汝南筆似邢和璞移得衡廬第幾層忽見畫圖疑  
發甕前身憶是打包僧



李渭清簡討以龍鬚二莖見贈來書云有風

鬟霧鬚之態非火鬚朱鱗比也戲報長句

阿誰拔此蒼龍鬚白如珂雪光驪珠風鬟霧鬚憶  
髣髴人愁態瀟湘姝鮫室織絲冰萬縷博山龍  
涎午方鬻龍皮之扇驅殘暑紫拂龍髯勝揮塵夢  
入瀟湘洞庭渚貝闕金堂見龍女樂奏還宮迎貴  
主錢唐破陣交風雨覺來一笑望秋空依舊癡龍  
卧相語

齋中三詠

金孝章畫梅

俊明

鄧尉花時雪幽人日往還生綃纔半樹忽憶漁洋山

徐昭法畫芝

枋

天池白雲裏寫此商山姿感君黃綺意勝食齋房芝

王玠右草書

光祿

逃名東海上時復帶經鋤自是高人筆非同餓隸書

題吳漢槎秋笳集

松花江遠波冥冥長白山高秋葉零絕域音書憑

鴈帛十年冰雪老龍庭鄴中上客思吳質郡北流  
人託管寧聞道金門紛筆札劇憐汗簡爲誰青

劉子端舍人惠琴魚

琴溪水泱泱鯉魚三尺長琴高騎鯉撒波去至今  
溪水桃花香桃花香時臨上巳琴魚忽徧琴溪水  
半寸難求鱗與鬚況從丙乙分腸尾由來風俗當  
園蔬水鄉風味無時無居然遠致同茶筍不用門  
生議蟹鮓故人家傍琴溪渡渡口桃花千萬樹花  
時魚美酒正熟好共琴溪結茅住

送梅耦長歸江南五首

萋萋秋卉稍稍涼風至社燕無遺音歸人起離  
思南去范零陵西上蕭諮議如何平生歡一朝成  
棄置

華館暖清陰明河澹將夕宿昔聞履綦今宵忽離  
席還抱綠綺琴一送將歸客客思如流波先馳故  
鄉陌

故鄉信可戀佳麗石城頭況此素秋月淼淼清淮  
流芊綿出江樹迢遞認歸舟若過桓伊步知予懷  
舊遊

舊遊那可再蹉跎成皓首予對玉泉雲君攀白門

柳江山一寥落顧影念攜手相思不相見誰共盈  
尊酒

故人陸內史

謂辛齋

共詠燕山雪良時易遲暮復屆清

秋節山中芳杜若聊持贈離別別後雪如花應知  
寸心折

三原貞靖房先生祠白松詩

貞靖祠堂俯濁涇雙松如蓋晝冥冥歲寒不競春  
華色浩劫長棲白帝靈丞相錦城凋古柏昭陵玉  
匣哭冬青蒼茫一物關今昔且把長鑱斲茯苓

題戴楓仲丹楓閣圖圖山長作

我行曾過昭餘初，  
息息未訪丹楓閣。  
昨來宛見茲閣圖，  
雲氣憑虛何綽約。  
丹崖翠壁紛窈冥，  
飛瀑驚流亂迴薄。  
列仙之儒形甚癯，  
或曝南榮或六博。  
閣前遠近香楓林，  
葉不搖風自榮落。  
君言此境夢得之，  
是想爲因理難度。  
不能隨汝巢神山，  
詰曲人間有何樂。  
我昔扁舟窮楚蜀，  
月明屢向楓根泊。  
寒猿晴鳥相間啼，  
峽雨江雲亦時作。  
羈愁一夕生白髮，  
迴首十年驚夢噩。  
君胡愛此入魂夢，  
楚客春心逝安託。  
不然千歲化羽人，  
未用神皇一丸藥。  
不然即夢楓生腹，  
辦作玄真致非惡。  
身棲京洛談蓬壺，  
譬

過屠門空大嚼與君更期汗漫遊下瞰崢嶸上寥廓

陳子文將歸安邑夜過小飲聽雨作

欲別流連步屨仍虛堂涼雨對秋燈半通黃綬君  
猶繫五岳青鞵我未能月映清淮何水部雲飛隴  
首柳吳興好將新樣元和脚細寫新詩寄剡藤

子文  
工書

又題馮仙湜畫贈戴楓仲

何處神遊杳靄間楓林曲曲水潺潺一峰雲外青  
於染箇是君家舊幘山

送彭古晉二首

玉露塗蘭堦明河耿遙夕昨別宛陵人

長綢復送華

亭客渺渺九峰青茫茫五湖白秋風佳景時菰萼

正堪摘故園隱君子夙抗嘉遯跡吳

六益沈聖既丘

園董生

水蒼

亦山澤問訊今何如子懷在三益

聞君遊蓬池訪阮公嘯臺臺上多悲風臺下生蒿  
萊淥水揚洪波東逝不復迴南有三亭岡寒蕪望  
崔嵬一言奪相印應侯亦奇才當其置厠時何異  
諸輿僂君行大梁道覽古紛徘徊埋照實至慎睚  
眦終禍胎且呼竹林人啜醪盡餘盃

送江辰六令益陽三首



作吏湘南去浩然尋舊遊秋風吹木葉初下洞庭  
流城對茱萸岸香傳杜若洲球門高唱在重上岳  
陽樓

小邑稀公事高齋俯洞庭佳期邀帝子遺曲感湘  
靈澗水悠悠綠君山面面青詩成閑拄笏雲際九  
疑亭

石鼓鳴何急巴陵有戰塵三江連楚粵五渚奪荆  
秦慘澹兵方息艱虞氣益振遺民勞撫字不必弔  
靈均

瞿山畫松歌寄梅淵公

誰能畫龍兼畫松鱗而爪鬣行虛空誰能畫松如  
畫石石骨犖确松蒙茸韋鑾董羽兩奇絕眼中突  
兀瞿山翁瞿山翁所居乃在柏硯深山中此山上  
與黃山通軒轅鼎成上天去遺薪往往成虬龍翁  
時散髻坐顛頂興酣潑墨浮空濛孤根裂石不三  
尺倒飲萬丈疑雄虹瞰臨崢嶸下無地盤拏雲霧  
迴長風世人少見多所怪絕技豈必昭羣龍兩峰  
對起何龍從瀑流直下當其衝輶雷噴雪不知數  
下與松勢相撞春撫松看瀑者誰子得非偓佺之  
屬青羊公何時與翁結廬天都雲海東松肪煮罷

方雨瞳更千萬世無終窮

送同年伊翁菴中丞開府雲南二首

金馬山前駐碧油，青蛉塞外陣雲收。  
天威近已通諸賤，王會依然徧九州。  
銅弩雨深諸葛壘，叢祠春賽潁川侯。  
鐃歌鼓吹征蠻府，萬里昆明是壯遊。

柏臺新命帝親除，重譯西南罷羽書。  
雒將朱鷺皆內屬，越人黃屋竟何如。  
賜來天廡飛龍馬，行避中丞赤棒車。  
荒服祇今勞睿慮，要令絕域化耕鋤。

雨夜再題瞿山畫松

林燈明暗雨模糊雷電冥冥夜氣孤破壁長松欲  
飛去曉來疑是坐龍圖

宣和御府所藏有  
僧傳古坐龍圖一

供奉某君歸吳門索詩五首

玉斧森沉罷講迴承恩別殿午仍開凌煙將相尋  
常事曾寫龍顏日角來

歸釣吳松四十鱸手炊楓葉飯雕胡却思待詔  
蓬萊上細寫淋池斫鱸圖

弄筆明牕作卧枝寫生妙處幾人知篋中籐角光  
於水貌得蠻鳩義燕兒

暫別含香紫禁前却尋春浪白鷗邊五湖鰕菜天

然好多事襄陽書畫船

一片青山短簿祠夕陽花塢帶茅茨歸心便逐江  
鴻去已過橙黃橘綠時

聞道

聞道降王入經時尚濟西徘徊爲怪鳥進退類藩  
羝鐵券功何在金牀夢已迷迴頭郿塢遠不必怨  
然臍

雨集孫樹百給諫宅送田子綸學使之江南  
聽小史彈琴作

愁霖應商節迴颺散高樹蕭蕭梧葉零稍稍征鴻

去美人將何適遙指楓江路遠別念平生良時怨  
遲暮何用緩離憂金徽寫情素簾閣晝沉沉彈作  
滄江雨宛憶建業時迴船泊瓜步別後最相思空  
江落帆處

答劉子羽見懷

聞君卜築處舊傍琅瑯臺海氣秋逾遠濤頭日幾  
迴秦封猶廣麗石刻自莓苔想像高吟罷鯨魚跋  
浪開

閏八月十五夜

好月當三五中秋兩度看依然銀漢影不改暮雲

端玉漏宵逾永清輝晚更寒白榆何歷歷猶映漢  
宮盤

閏中秋夜不寐悼亡

時張宜人  
歿四年矣

商飈浙浙響庭除竟夕蘭膏映綺疏閨氣經時驗  
梧葉月華重見溢方諸紅牆銀漢途難越碧海青  
天怨有餘怊悵江東謝希逸芳塵凝榭欲何如

進馬

庚申閏八月奮威將軍王  
進寶自回原進馬二十匹

聞道安西將龍媒貢

御新籟雲近闔闔行地有

騏驎險阻三巴路驍騰百戰身長鳴思駕馭終爲  
靜風塵

聞蜀警懷茂衍大參

行李捫參井何時達錦城  
懸軍今益部設險古南  
京蔓府公孫壘瀘江漢  
相營艱危望消息天末  
未休兵

不得宋荔裳紀綱入蜀接取妻孥消息

宋玉今終古西川信未通  
九原悲馬鬣八口寄蠶  
叢想像離綿竹艱難出  
大蓬猶聞豺虎亂未可  
沂巴東

聞詔起奮威將軍鎮保寧

仍用貢  
馬諫

手詔雲霄下將軍授鉞新  
即看驅虎兕不必鬪麒麟



麟百戰能輕敵孤忠久致身龍驤功第一重憶定  
三秦

聞官軍復瀘州

月黑斫連營嫖姚轉戰輕已探猛虎穴急扼釣魚  
城三峽烽相照雙江浪漸平萬州羣盜在從此事  
刀耕

題黃鶴山樵破牕風雨卷

卷首四字分  
隸書古田作

風雨催黃葉蕭蕭下敝廬秋涼擁衣褐老屋卷殘  
書遠岫茫茫失寒潮淦淦虛故園饒此境歸思近  
何如

爲山長從兄題耦長雜畫三首

一鳥不飛山氣昏  
蕭蕭黃葉掩苔痕  
蒼崖徑絕扶筇到  
倦即讀書秋樹根

夕陽烏柏染霜明  
蘆荻蕭條煙火生  
一抹紅霞數聲笛  
又催新月上江城

飛瀑蜿蜒下白龍  
龍鱗剝盡一株松  
渡江聞訪陶弘景  
人在三茅第幾峰

時耦長在句容

懷翁菴中丞沅州

渺渺沅江路悠悠  
楚塞窮昆明猶萬里  
休聽鼻亭公

謝人送松花

勞山千萬松六月失炎暑松膏化爲鷺松花落如雨色黃侔蒸栗味滑勝鍾乳會從嘯父遊白日生毛羽

遇袁士旦訊唐耕塢舍人遺集

腹痛平生意逢君感慨頻似聞梅冶住曾與孟家鄰賦鵬傷何已題鷺墨尚新耕塢  
王書所忠今在否誰問茂陵人

送陸辛齋歸海寧

叢菊初花秋氣深花前君唱渡江吟杜陵乍喜歸

三徑寶劍猶堪直百金尊酒離亭折楊柳孤舟遙  
夜泊楓林若耶谿水雲門寺欲約東遊思不禁

蔡圖爲牧仲郎中賦

何人畫此四尺蔡目光暘睽生寒毛重鉤繫頸氣  
何驚望之非獫狁非歇騎美鬚碧眼手自操番部君  
長身帶刀豪豬作韉獸錦袍西旅底貢來周郊畫  
師得非顧與曹趙盾往事悲曩臯君蔡臣蔡適相  
遭蹢躅而走走且號逆跋絕領搏以麀彌明鬪死  
靈輒逃一蔡世變心忉忉丹青妙手良可褒題詩  
龔龔非人豪爲君一石傾春醪

九日獨遊憫忠寺

閑居愛重九獨往果幽尋初地凭高閣諸天落梵  
音雁王投極浦鹿女蹋空林玉輦經行地青松

馳道深

駕曾幸此寺寺  
有御書

辛齋已行復來取別再送之

意外復攜手徘徊下潞亭扁舟逐陽鴈秋色老江  
萍去路潮連樹離心雪滿庭入門嘲陸展一笑攬  
星星

送侯大年歸嘉定

送客三江去東吳更向東潮添瓜蔓水秋老鯉魚

風往事浮雲外名家信史中  
明年見侯喜把釣莫  
惓惓

和子先禮部懷古二首

張茂先宅

當年張壯武此地留空宅  
平生無髣髴何處尋遺  
迹流恨金墉城傷心洛陽陌  
風流陸浚儀曾容笑  
鬚帛

賈浪仙墓

遙望大房山蒼蒼但煙霧下有千年墳微茫辨封  
樹照夜少魚燈凌寒走狐兔落日青楓林是君獨

吟處

題王元照仿宋元人小畫爲牧仲比部作

琅邪家世鳳麟洲翰墨人間第一流  
松勢高低疑鶴啄溪紋參伍學蠶頭  
扶筇名岳雲峰細放鶴空亭雪棧幽  
白首奉常今又死買絲重擬繡廉州

煙客先生

以今年卒年八十九

題王元式國博秋思詩後

詩云茂陵秋雨人空卧汾水西風鴈向來

茂陵風雨瀟瀟夜愛爾哦詩四壁秋  
多少長安苦吟客瘦羊博士擅風流

史局漫興

南山種豆憶長林東觀淹留諧隱心  
巫峽猿啼兵未解武谿鳶跼歲將陰  
牢愁不畔中山酒慷慨還爲上堵吟  
橐筆年年竟何補虛將衰鬢點朝簪

寄馬三如孝廉兼示張杞園待詔

先生負俗癖雅懷山水情沂山看秋瀑  
往往抱琴行吟詩楓榭林自燒折足鐙  
曼聲塵落帽噉噉哀猿鳴山田高於屋  
牛在屋上耕詩云此語非世人欲與東野爭  
詩成寫團扇持以贈平生何時看瀑來  
一觴聊共傾

送楊岱楨侍御赴宣鎮

先太師公爲府崇禎時督撫兩鎮其地



彈箏峽口居庸路北望千山萬山暮朔雲飛雪白  
登城西風吹角黃花戍繡衣使者舊乘驄澤潞人  
歌馬步工鎖鑰更勞行塞上山川右顧接雲中百  
年父老今猶在應識當年魏尚功

送粵西學使

龍城烽火乍銷兵化蜀文翁在此行秋盡洞庭逢  
葉下亂餘湘水向人清峰迴落鴈雲山好遊比驂  
鸞瘴癘輕身到日南思北極炎洲桂樹識冬榮

時柳  
州賊

自題得樹堂懷冰修耦長

老樹空庭得堂因老樹名全將苔徑護百過藥欄  
行屋角芟天竹堦前立決明故人江左去同憶月  
三更

冰修送耦長詩云此別難忘  
何處最雨株高樹月三更

王若水古木鳴禽圖爲子昭郎中作

古木幽篁亂疎擗下有棘枝聚寒雀枝頭顥顥紅  
珊瑚石畔菲菲芳杜若一雀振羽如欲飛一雀掉  
尾矜毛衣復有兩雀目相矚號作竊丹知是非鷓  
鴒臨流宛相並戢翼迴頭復交頸黃陵廟裏花落  
時啼罷鉤輈照雙影高堂置酒相徘徊眼中不數  
濠梁雀天清雪霽北風作多少蒼鷹欲下來

得翕菴開府書

昔建中丞節天邊送使車連朝薊門雪一紙漢陽  
書雲夢征鴻起沅湘落木疎夜郎莊蹻路兵氣近  
何如

送袁士旦之玉田

無終東去路亭鄣古雄邊水出彈箏峽春生種玉  
田馬蹄穿塞雪鳥道入山煙詠史清秋夜應逢謝  
尚賢

題武林閨秀顧氏詩卷後

五字堅城擬受降數峰黛色落錢江連枝有木皆

相並共命爲禽本自雙南國才人青鏤管西川節  
度碧油幢總輸寫韻軒中好花影晨寒玉女牕

十月七日雪過念東先生

閑居愛窮巷古木日蕭蕭微霰成清瑟迴風送寂  
寥洛神應比似姑射會相招欲訪高人宅寧辭入  
剡遙

雪夕實菴見過小飲

柴門帶暝色積雪滿空庭上客迴相訪茅堂晚未  
扃紙窓猶浙瀝燈火自青熒明日衝泥過應逢濁  
酒醒

十月初七夜雪中作

慘澹朔風號崢嶸雪氣高驟寒熏鼠穴深夜擁駝  
毛羣盜窺渝久孤軍入蔡勞無人共斟酌鐘漏送  
蒲牢

寄唐濟武太史

魚子溝邊好荷蓑魚子岡外石嵯峨天風吹林溪  
水急夕陽在山紅樹多欲買山莊太羞澀側身故  
國空蹉跎三層樓上陶弘景白日青雲奈爾何

送李郎松客令高淳託訪詩人邢孟貞遺集

縣庭臨石臼風俗至今淳鳬鴈成墟市菰蒲雜吏

人花時閑卧閣漁舍曉班春借問詩人宅柴門滿  
白蘋

懷盛珍示兼寄董蒼水

知君不得意汗漫到雲間海客相逢罷飄搖幾日  
還觀潮黃歇浦聞鶴陸機山東望扶桑近羣龍如  
可攀

懷崔不雕

不雕嘗有丹楓江冷人初去黃  
葉聲多酒不醒之句為世傳誦

籍甚崔黃葉才名二十年身無一枝隱詩已衆人  
傳屋傍撈鰕渚潮荒種蛤田風塵京洛客深愧博  
陵賢

寄王我建

時官桐城學博

伯時舊隱山莊好草樹雲嵐盡可憐  
騎馬出城須一到霜縑細細寫龍眠

和念東先生寄子二首

麻鞋萬里事酸辛好鬪樽前見在身  
來日武陵兵甲滿花源猶剩幾秦人

歸向青山課木奴高堂白首故園蕪  
春禽百種聲皆好不似天南聽鷓鴣

戴無忝至自和州得務旃書

二戴歷陽秀久別恒相憶如彼下瀨魚  
溯流不相

及時登吳越觀安得齊秦襲見荀子忽見一書來寧  
忘下車揖

輓白仲調廷評

海上行營罷談經到七閩那知遊越客無復卧漳  
濱世事滄桑後清流黨錮身平生履道宅琴鶴待  
何人

庚申四月 正師既平金門廈門補行福建鄉試君再奉命  
主考歸至甬上不起君少時嘗為阮掛堂楷幾殆故有五六句

聞張公綬談武康山水

吳興清遠水晶宮轉入前溪路不窮最愛放船人  
日好野梅修竹古防風

題家兄子側唱和詩後兼寄東癡先生二首



當年同和輞川詩羈紲相看有鬚絲  
安得考功重見此手將團扇寫清詞

梓樹花明系水東  
枳籬屈曲隱牛宮  
他時我亦來相訪  
好共吟詩罷釣筒

答汪扶晨

清淺新安水遙連四十灘  
岩嶺天子鄴三十六峰  
寒絕壑雲千頃  
仙人藥丸與君香  
谷住何必更驂鸞

閱黃山新志寄閔賓連兼示程山尊

昨日逢程子經時憶閔生  
不知明月好空作甌湖

行渺渺雲霞思悠悠山海情圖經巾笈在攜手問  
容成

十一月六日星變 召對紀事

明河寒已沒白氣亘宵長掩月光疑晝經天夜有  
芒轉輸窮蜀道邊計切秦疆見說蓬萊仗公卿近

御牀

是日有歲併秦  
蜀制府之命

送念東先生予告還山八首

鶴書隔歲下巖扉一載歸田願不違蕙帶荷裳猶  
挂壁 君恩真許遂初衣

前身憶是陶通明山中白雲無限情滿院松風一

聲鶴三層樓上坐吹笙

若士雲將是夙期相逢汗漫欲何之偶然擲杖成  
龍去又過蓬萊日主祠

何處神山滄海東巨峰萬仞插晴空青天無數雲

濤捲下視辰韓墨點中

巨峰勞山  
最高處

大勞小勞溟渤間身乘龍蹻躡天關何須更跨樓  
船去童女如花竟不還

暮遊碧玉閭風巔朝過扶桑近日邊戲弄東王與  
西母神芝行處滿瓊田

曾窮華蓋與鈎陳又到朱陵蜃海濱不信仙人十

洲地也傳風俗似吳人

官府神仙事有無淨因何必憶方壺他年選佛場  
中去笑捲真靈位業圖

再送念東先生八首

龍門雪後山爭白金谷園中花映紅著箇香山老

居士任人圖畫作屏風

白詩兼聞好事者寫我作屏風

解印歸來履道居風情真似白尚書孤琴隻鶴還  
留在駱馬楊枝却讓渠

錦湖秋色漾漣漪湖裏遊人歌竹枝斜日泊船紅  
蓼岸神鴉飛過魯連祠

長白山中跨白驢偏提時掛小籃輿八騶朱雀航  
南路可似先生薄笨車

沂鎮西迴歐冶泉萬竿修竹一溪煙興來欲泛滄  
浪去恰有南鄰放鴨船

籠水羣山繞郭明杖藜隨處有泉聲名籃金碧和  
煙雨小李將軍畫不成

木魚粥鼓雲門寺曾訪禪棲歛竹扉今日宰官何  
所似朝衣新換七條衣

花前白角三升酒池上紅茵六尺牀公已忘情吾

解惜長松修竹李家莊

李家莊先生別業有候仙園  
最幽勝孺之幾年矣故云云

答冒青若兼寄巢民三首

頃寄芥茶錄  
澄泥小硯

君家好林塘最憶湘中閣千仞碧玲瓏一條紅略  
約獨拏鉞鏤舟兼載氍毹鶴千里月明時巖花幾  
開落

茗柯有實理君能領其趣僮豎盡茶人鈴椎半茶  
具竹塢水清淺巖戶雲來去獨應嶰中僧知君拍  
茶處

良工瀘河泥妙製出西號溫其龍輔玉瑩如馬肝  
石價敵十五城包致凡幾驛石墨漆簡書歲晚成  
三益

曉雪

稍稍侵簾額盈盈墮瓦溝  
竹枝全捨地芸餅未離  
篝風峭遲開閣窓明緩裹頭  
如何玉堂曉偏憶剡川遊

東坡居士竹石三絕句

上有荆公  
佛印題句

新篁拆褐錦東軒三五莖時因看畫處觸忤別家  
情

東坡胸中墨吐此青天矯常憶道場山把燭寫風  
篠

蒼蒼一片石礫硤閱千載我聞居士言袖中有東

海

題念東先生瓊花觀詩後

詩云錦帆千里赴雷塘小杜風流事亦荒何處瓊花

歸劫火簫簫  
鴨脚滿長廊

揮手蕃釐十六秋年來無復夢揚州因君鴨脚風  
流句喚起瓊花一段愁

傳青主徵君寫荷竹見寄奉答兼懷戴楓仲  
眼中突見簑簑谷露壓煙啼萬竿竹下有亭亭菡  
萏花大似淩波倦膏沐煙墨淋漓元氣足老筆縱  
橫破邊幅卧遊真對兩詩翁晉祠水流如碧玉

聞貴州大捷寄蔡尚書



朝請經過趁馬蹄

耕次

羅列見杯皿既飽更設食

峨

造次愧暇整

山方

廚娘理寒具中坐出環餅色侔琅

邪稻種類安定麴

亭阮

方法徵胡麻調和汲冰并搊

擋亂紛紜團圓成俄頃

山方

蘭湯漱玉屑冰穀翦蟬

影

峨

圓疑鏡卸盤豔若金脫礦一輪巧中規百鍊

滅無穎淨煩上池洩勻想纖手打

耕次

并刀快割截

齊紈妙清省霏微玉蚪甲胸腠顧兔景

亭阮

蝦蟆蝕

月渴驪龍攫珠猛頌德愛芳香徵名欣合併

耕次

寧遜秬秠形已同項領

山方

薰蒸浮渴釜纖哲悅饒

晴

峨

既足慰饕餐更可祝噎哽

亭阮

燈窺晃琉璃酒

清散縈縷

峨眉

蹲嚙狂客誕手潔唐帝做十字笑曾

侈四片嗤驚省一筭得都尉再啖失洛潁果然適

莽蒼決去惜齏齏

阮亭

平生厭藜莧腸飢叫鼃鼃

峨眉

忽驚食單富坐成腹負責染指無遷延下箸皆雋

永

阮亭

雞臠未足珍鵝炙詎堪並裹肉快抽乙蒸魚

嘉出丙乍見天覆盆旋看日銜嶺

阮亭

沃以壑源茶

再鼓氣逾逞僮奴饜香風飢涎滴侯頸

峨眉

朗月光

漸移嚴寒夜屢警

方山

炙手熱松明引滿剖楓癭

阮亭

杯深一燈青坐久衆星耿

次耕

酒竭呼勤斟燭跋催

速秉

峨眉

醉客冠墜箕倦僕頭觸屏霜重壓狐腋析

急吠盧令

阮亭

世態笑井泥生涯歎桃梗簪盍殊復

難指動矧多幸

耕次

飽死憐侏儒形忘破畦町

阮亭

加

餐雪花融覓句林鳥靜

峨眉

炙轂任縱橫注坂競馳

騁鬪險氣凌韓掞藻詞逼郢

山方

怪思筆然犀快語

喉吐鯁

阮亭

心苦飢食牛律嚴弓束檠翦綃成奇文

啗蔗得佳境

耕次

衆工聚輪輻六齊作鍾鼎

阮亭

百年

空牢愁一醉歸溟滓此樂當語誰故山寄張邴

耕次

即席賦送念東先生還山聯句

高念東先生施愚山宋牧仲王阮亭謝方山

莫教嚴漏促行觴

阮亭

好月遲來縱我狂

念翁

九老幾

人歸洛社

牧仲

五言今日賦河梁

阮亭

還山白首身猶

健愛客清尊夜未央愚他日登臨重相憶方平泉

風物輞川莊阮亭

蕭灑由來屬樂天曠懷今復見菑川方廬山舊隱

應無恙長慶新詩世久傳阮亭纔罷朝參翻獨笑愚

頻耽野飲縱高眠牧仲勞君三疊殷勤唱我已風塵

四十年念翁

筵上詠鐵脚聯句

周紫海宋牧仲王阮亭謝方山錢介維程山尊袁士旦

經年疲塵鞅埋首困束縛休沐乘春閑客過欣同

酌方春盤風味佳薦此野田雀牧仲羽族誠瑣細高

舉慙肉攫阮亭逐隊從鳩燕潛身避鵑鶚方曾向大

官廩鼓翅恣饒啄

紫海

有聲但勞利無心慕寥廓

阮亭

稻粱性能諳林園意彌樂

士旦

穿屋軀體微啁簷毛

羽惡

牧仲

祥知遠集庭孝感遙投幕引羣賀厦來應

瑞銜珠躐六翮奮何時一枝且深託胡爲鍛羽翰

橫取媚脾臆

山尊

啁啾鴛瓦翻歷亂雲羅著

介維

彈射

空城尋縷切初筵數

牧仲

量同十步飲智愧三嗅作

長竿類黏蟬明珠異彈鵲

阮亭

率場田父愁繞砌兒

童捉

介維

佛首野夫獻斲脰庖丁斫

阮亭

稍聞鼎俎香

太息虞羅虛

士旦

品雖遜熊魚味終壓藜藿

方山

匕箸

任縱橫口吻鑒精鑿充腸失肥甘膩手信披剥微

如出醢雞飛似搶榆鶯

旦士

鮮肥有本來香脆妙煎

燂腸胃少腥羶骨骼耐咀嚼夥聚無一嚙連啗豈

滿壑

介維

瞪目冀豐餘朶頤恣酬酢

山尊

染指類黿羹

鬪箸並雞臠

牧仲

狂寧乞鵝炙渴欲思羊酪妙手殖

薑橙真意謝糟粕噬聞宮徵調老畏牙齒落

阮亭

髯

掀競橫肱纓絕肆浪謔

紫海

披綿映短燭截肪侑康

爵報恩懷玉環錫名徵鐵脚

牧仲

詎能咸其腓誰解

鑄此錯

阮亭

人生耽口腹是物勞燠灼

牧仲

成感心增索莫

山尊

小鳥生有營老饕意無忤

士旦

羣

飛失翾翾嚙取爭霍霍

牧仲

殺機滿天地增繳到山

澤

阮亭

慨彼弱羽加何異遊魚涸山尊靜觀大化理坐

歎生機薄

旦士

侶燕危處堂伴鼠憎無角介維探穀餓

憫趙銜穀貴占郭

牧仲

蚌蛤化已遲螳螂伺猶昨勿

笑掩目捕寧思撫髀躍

阮亭

我欲返其淳解網出湯

鑊塵清威鳳游政憚仁麟格皇然象帝先鳥獸俱

咸若

紫海

帶經堂集卷三十五